

saporibus condita ut inutilia reijciunt: deos, & eum qui omnia continet, Solemque, & reliqua cœlestia colunt. Pisces, auesque uarij generis capiunt. Nascuntur etiam sua sponte arbores fructiferae, oleaeque, & uites, ex quibus olei uinique copiam educunt. Serpentes magnos, sed innocuos in insula producit: quarum carnes mirae dulcedinis edunt. Vestes parant ex lanugine molli ac splendida, ex medio arundinum sumpta: qua maritimis tincta ostreis uestimenta purpurea conficiuntur. Varia existunt animantia: & quia praeter opinionem, haud facile credita. Certum uiuendi ordinem seruant, unico cibo dietim contenti. Nam certo die pisces, alio aues, quandoque terrestria animalia edunt: oleo aliquando simplici mensa utuntur. Diuersis sunt exercitijs dediti. Quidam inuicem ministrant: alij piscantur, alij exercent artes, nonnulli circa alias res usui commodas occupantur. Quidam, exceptis senibus, partem inuicem operis, seruitio uacant. In sacris, ac diebus festis hymnos in deorum, & maxime Solis laudes canunt: cui se & insulas dicarunt. Mortuos in litore sepeliunt, cadauer, cum mare fluit, arena obruentes, ut aquae fluxu inundationeque exaggetur locus. Calamos aiunt, ex quibus fructum decerpunt, augeri minui ue ad lunae modum. Fontium aqua dulcis ac sana caliditate seruat, nisi frigida aqua aut uinum immisceatur. Iambolus, & qui cum eo accesserant, cum septem annis in insula mansissent, tandem eiectos fuisse aiunt inuitos, tanquam malos, malisque assuetos moribus. Igitur praeparata scapha, cibisque impositis abscedere coacti, mensibus quatuor ad regem Indiae per arenosa ac uadosa loca maris appulere. Et alter quidem tempestate perijt: Iambolus in uillam quadam diuertens, ab incolis ad regem in urbem Alibrotam plurimum a mari distantem, deductus est. Cum Graecos diligeret rex, plurimique eorum doctrinam faceret, multis illum donauit. Deinde securus in Persidem primo, tum sospitum in Graeciam misit. Haec postmodum Iambolus literis mandauit: multa quoque de India conscripsit, antea ceteris ignota.

DIODORI SICVLII

LIBER QVARTVS.

DE AETHIOPIBVS QUI SVNT

ultra Libyam, de quibus his quae apud eos antiquitus feruntur. Cap. I.



Ossteaquam superius de Aegypti Aethiopiae secundum quamque provinciam memoratu dignis rebus scripsimus, hic liber Aethiopes, Libyos, Atlantides complectetur. Ferunt Aethiopes primos hominum omnium creatos esse: cuius rei coniecturam ferunt, quod non aliunde homines in eam accesserint, sed in ipsa geniti, merito indigetis omnium consensu appellantur. Et quidem simile ueri est, eos qui sub meridie habitant, primos a terra fuisse homines genitos. Nam solis calore terram quae humida erat arefaciente, atque omnibus uitam dante, decens fuit locum soli propinquiorem primo naturam animantium tulisse. Afferunt autem, deorum apud eos cultum primitus adinuentum. Sacra in super, pompas, celebritates, aliaque quibus dijs honores impenduntur, ab eis fuisse reperta. Qua ex re ipsorum in deos pietate religioneque inter omnes uulgata, uidentur Aethiopum sacra dijs admodum grata esse. Huius rei testimonium afferunt antiquissimum ferere ac celeberrimum apud Graecos poetarum, qui in sua Iliade Iouem reliquosque unam deos introducit in Aethiopiam tum ad sacra quae eis de more fiebant, tum ad odorem suauitatem commigrantes. Dicitur etiam Aethiopas

sua